

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 91. sjednici održanoj 23.03.2017. godine, d o n o s i

ZAKLJUČAK

I.

Usvaja se Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za 2016. godinu.

II.

Zaključak stupa na snagu danom donošenja.

Broj: 02-_____ /17.
Datum, 23.03.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x a/a.



IZVJEŠTAJ O NAMJENSKOJ POTROŠNJI SREDSTAVA, ODNOSNO IZVRŠENJU BUDŽETA U MINISTARSTVU ZA 2016. GODINU

U skladu sa Programom utroška sredstava planiranih Budžetom Zeničko-dobojskog kantona za 2016. godinu u Ministarstvu za rad, socijalnu politiku i izbjeglice, broj: 02-14-7046/16 od 29.03.2016. godine i broj: 02-14-13333/16 od 21.07.2016. godine, na pozicijama “Tekući transferi pojedincima” - ekonomski kod 614200 i “Tekući transferi neprofitnim organizacijama” - ekonomski kod 614300 planirana su sredstva u iznosu od 26.936.723 KM.

Pregled izvršenja Budžeta u Ministarstvu za rad, socijalnu politiku i izbjeglice, za period januar-decembar 2016. godine, u dijelu koji se odnosi na pozicije: “Tekući transferi pojedincima” i “Tekući transferi neprofitnim organizacijama”, dat je u tabeli br.1.

Tabela br.1

Ekonomski kod i subanalitika	Naziv pozicije budžeta	Budžet za 2016. god.	Izvršenje Budžeta jan - dec 2016.	%
1	2	3	4	5
614200	I Transfer pojedincima	26.735.123,00	25.243.555,72	94,42
KAD 201	Izdaci za raseljena lica	81.000,00	108.534,54	133,99
KAD 202	Sredstva za podsticaj povratka izbjeglih i raseljenih lica	360.000,00	278.580,20	77,38
KAD 203	Civilne žrtve rata	3.215.638,00	3.128.016,00	97,28
KAD 204	Smještaj u drugu porodicu	220.000,00	216.670,55	98,49
KAD 205	Naknada za porodiljsko odsustvo	8.800.000,00	8.841.708,49	100,47
KAD 206	Zdravstvena zaštita neosiguranih lica	185.000,00	185.000,00	100,00
KAD 207	Ostali socijalni transferi	1.299.285,00	755.247,05	58,13
KAD 208	Transferi za alternativni smještaj	79.200,00	78.480,00	99,09
KAD 209	Transfer za osobe sa invaliditetom	60.000,00	39.913,68	66,52
KAD 211	Novčana pomoć za nezaposlene porodilje	150.000,00	129.793,00	86,53
KAD 213	Smještaj u ustanove socijalne zaštite	5.550.000,00	5.586.446,83	100,66
KAD 215	Stalna novčana pomoć	1.225.000,00	1.237.367,59	101,01
KAD 216	Osposobljavanje za život i rad	110.000,00	101.404,95	92,19
KAD 217	Dodatak na djecu	4.100.000,00	4.009.477,99	97,79
KAD 218	Jednokratna pomoć za opremu novorođenog djeteta	110.000,00	93.124,85	84,66
KAD 219	Pomoć u prehrani djeteta do 6. mjeseci i dodatna ishrana za majke dojilje	390.000,00	362.740,00	93,01
KAD 220	Transfer JU Službi za zapošljavanje ZDK	700.000,00	91.050,00	13,01
	Poticaji zapošljavanja mladih	100.000,00	0,00	0,00
614300	II Transfer neprofitnim organizacijama	201.600,00	201.600,00	100,00
KAX 002	Transferi udruženjima	91.600,00	91.600,00	100,00

	Tekući transfer za Crveni križ	10.000,00	10.000,00	100,00
KAX 003	Transferi iz prihoda za Dječiju nedjelju	100.000,00	100.000,00	100,00
	UKUPNO: I+II	26.936.723,00	25.445.155,72	94,46

1. Izdaci za raseljena lica – KAD 201

Budžetom za 2016. godinu planirana su sredstva u iznosu od 81.000 KM za podmirenje osnovnih potreba raseljenih lica. Sa ovim sredstvima Ministarstvo je izvršavalo zakonske obaveze plaćanja sljedećih obaveza: potrošnje električne energije, grijanja, komunalne usluge, održavanja objekata, sahrana, kao i druge potrebe od značaja za ukupno zbrinjavanje raseljenih lica i izbjeglica koje su smještene u objektima za smještaj raseljenih osoba koje se u bliskoj budućnosti ne mogu vratiti u svoje prijeratno prebivalište (stambeni objekti u naselju Radakovo i Crkvice u Zenici).

U izvještajnom periodu januar – decembar 2016. godine sa ove pozicije utrošena su sredstva u iznosu od 108.534,54 KM.

Sredstva su utrošena prema sljedećoj tabeli:

1.	Električna energija	13.824
2.	Toplotna energija	21.767,15
3.	Vodovod i kanalizacija	2.943,80
4.	Odvoz smeća	1.961,64
5.	Održavanje liftova	2.645,20
6.	Održavanje objekata	50,00
7.	Sahrane	5.087,18
8.	Kućna njega	49.101,00
9.	Jednokratne pomoći	11.154,50
	UKUPNO KM:	108.534,54

2. Sredstva za podsticaj povratka raseljenih lica i izbjeglica – KAD 202

Budžetom za 2016. godinu planirana su sredstva u iznosu od 360.000 KM - ekonomski kod 614200. Ova sredstva su planirana za provođenje programskih aktivnosti Ministarstva usmjerenih u pravcima učešća Kantona u obezbjeđivanju osnovnih pretpostavki od neposrednog značaja za povratak raseljenih osoba i održivost povratka:

- Stvaranje minimalnih uslova za povratak (sanacija stambenih objekata, priključak električne energije) – 39.893,03 KM;
- Obnova infrastrukture (sanacija putne mreže, vodovoda, vjerskih objekata, ustanova) – 230.275,36 KM;
- Pomoć u održivom povratku (posjete povratničkim zajednicama, nabavka poljoprivredne mehanizacije) - 8.681,81 KM.

U izvještajnom periodu januar – decembar 2016. godine sa ove pozicije utrošena su sredstva u iznosu od 278.580,20 KM i to: za sufinansiranje sanacije stambenih objekata povratničkih porodica sa ciljem stvaranja minimalnih uvjeta za život, za pomoć u nabavci i ugradnji građevinskog materijala i za obnovu vjerskih objekata u povratničkim naseljima, te provođenje drugih mjera i aktivnosti intervenirajućeg karaktera od ukupnog značaja za podsticaj, odnosno održivost povratka.

3. Civilne žrtve rata – KAD 203

Za isplatu naknada civilnim žrtvama rata u Budžetu Zeničko-dobojskog kantona planirana su sredstva u iznosu 3.215.638 KM - ekonomski kod 614200. Finansiranje ovog prava je po modelu -

30% planiranih sredstava je iz Budžeta Zeničko-dobojskog kantona u iznosu od 885.070 KM i 70% planiranih sredstava je iz Budžeta Federacije BiH u iznosu od 2.330.568 KM.

U izvještajnom periodu januar – decembar 2016. godine za ovu namjenu utrošena su sredstva u iznosu od 3.128.016,00 KM i to iz Budžeta Kantona izdvojeno je 913.134,05 KM, a iz Budžeta Federacije BiH izdvojeno 2.214.881,95 KM. Finansirano je 844 civilnih žrtava rata koje ostvaruju naknade za 1.020 prava, tj. prava na: ličnu invalidninu, pravo na ortopedski dodatak, pravo na dodatak za tuđu njegu i pravo na porodičnu invalidninu.

4. Smještaj u drugu porodicu – KAD 204

Budžetom za 2016. godinu planirana su sredstva u iznosu od 220.000 KM - ekonomski kod 614200. Na ovaj način obezbijeđena je socijalna zaštita, odnosno zbrinjavanje djece i odraslih lica kojima je potrebna stalna briga i pomoć radi zadovoljavanja njihovih životnih potreba, a što se ne može ostvariti u krugu vlastite porodice ili na drugi način.

Za smještaj u drugu porodicu u izvještajnom periodu januar - decembar 2016. godine utrošena su sredstva u iznosu od 216.670,55 KM, za isplatu naknada hraniteljima za 101 dijete na smještaju.

5. Naknada za porodijsko odsustvo - KAD 205

U Budžetu za 2016. godinu za ovu namjenu planirana su sredstva u iznosu od 8.800.000 KM - ekonomski kod 614200. Ovim sredstvima finansira se naknada plaće ženi majci u radnom odnosu kao i svi doprinosi i porezi u skladu sa Kantonalnim zakonom.

Za ovu namjenu u izvještajnom periodu utrošena su sredstva u iznosu od 8.841.708,49 KM, za isplatu naknada za 1.051 porodilja.

6. Zdravstvena zaštita neosiguranih lica - KAD 206

Budžetom za 2016. godinu na ovoj poziciji planirana su sredstva u iznosu od 185.000 KM - ekonomski kod 614200.

Za finansiranje zdravstvenog osiguranja u periodu januar - decembar 2016. godine utrošena su planirana sredstva u iznosu od 185.000 KM, na ime obaveznog zdravstvenog osiguranja za 3.785 korisnika.

7. Ostali socijalni transferi - KAD 207

Budžetom za 2016. godinu planirana su sredstva u iznosu od 1.299.285 KM - ekonomski kod 614200. Ova sredstva su namjenjena za provođenje interventnih mjera i aktivnosti socijalno-zaštitnog karaktera u oblastima iz nadležnosti i odgovornosti Ministarstva.

Za ovu namjenu u izvještajnom periodu januar - decembar 2016. godine utrošena su sredstva u iznosu od 755.247,05 KM, i to za:

- Pomoć javnim – humanitarnim kuhinjama.....225.000,00 KM
- Projekat “Izgradnja zgrade Dnevnog centra za djecu i odrasle osobe s posebnim potrebama u općini Žepče“100.000,00 KM
- Projekat „Sigurna kuća za žene i djecu – žrtve nasilja u porodici i zajednici za područje Zeničko-dobojskog kantona54.720,00 KM
- Jednokratna pomoć socijalno-intervenirajućeg karaktera radnicima PD „Krivaja“ – Mobel d.o.o. Zavidovići (2 zaključka).....100.000,00 KM

- Sufinansiranje realizacije projekta „Roma Action – podrška socijalnom uključenju ranjivih romskih porodica u područjima pogođenim poplavama putem obezbjeđenja stambenih jedinica i socio-ekonomskih mjera sa aktivnim učešćem državnih i lokalnih vlasti kao i drugih interesnih grupa“.....25.000,00 KM
- Pomoć za plaćanje troškova stanovanja osobama koje su usljed prirodne nesreće izmještene iz svojih domova u ZE-DO kantonu.....90.390,00 KM
- Pomoć centrima za socijalni rad/nadležnim općinskim službama iz Zeničko-dobojskog kantona za učešće u Modularnom programu edukacije – donacija od strane Federalnog ministarstva rada i socijalne politike.....4.889,70 KM
- Podrška u pokrivanju dijela troškova sahrana/dženaza31.635,38 KM
- U 2016. godini od strane Ministarstva i Vlade Kantona urađeno je ukupno 12 zaključaka kao pomoć udruženjima pri izvršenju programskih zadataka16.626,95 KM
- Za ostale dodatne potrebe i intervencije socijalno-zaštitnog karaktera u 2016. godini od strane Ministarstva i Vlade kantona donešeno je 289 zaključaka kojima se odobrila jednokratna novčana pomoć socijalno-intervenirajućeg karaktera za: pomoć u pokrivanju dijela troškova liječenja, pomoć u ublažavanju teške materijalne situacije, pomoć u nabavci ortopedskih pomagala, pomoć u poboljšavanju stambenih uvijeta.
Za ove svrhe u toku 2016. godine iz budžeta Ministarstva ukupno je izdvojeno 106.985,02 KM.

8. Transfer za alternativni smještaj – KAD 208

Budžetom za 2016. godinu planirana su sredstva u iznosu od 79.200 KM za plaćanje stanarine raseljenim osobama sa priznatim pravom na privremeni smještaj - ekonomski kod 614200.

U izvještajnom periodu januar - decembar 2016. godine utrošeno je 78.480,00 KM, za finansiranje alternativnog smještaja za 57 porodica, odnosno 146 osoba.

9. Transfer za osobe sa invaliditetom – KAD 209

Budžetom za 2016. godinu planirana su sredstva u iznosu od 60.000 KM - ekonomski kod 614200. Ova sredstva su namijenjena za refundaciju troškova pregleda kod Instituta za medicinsko vještačenje za osobe sa invaliditetom u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH, broj: 36/99, 54/04, 39/06, 14/09), kao i za finansiranje aktivnosti iz Strategije za izjednačavanje mogućnosti osoba s invaliditetom.

U toku izvještajnog perioda za refundaciju troškova pregleda za osobe sa invaliditetom utrošena su sredstva u iznosu od 39.913,68 KM za 380 korisnika.

10. Novčana pomoć za nezaposlene porodilje – KAD 211

Budžetom za 2016. godinu planirana su sredstva u iznosu od 150.000 KM - ekonomski kod 614200. Ovim sredstvima finansira se jednokratna novčana pomoć ženi majci koja nije u radnom odnosu, po svakom novorođenčetu.

U izvještajnom periodu januar - decembar 2016. godine za ovu namjenu utrošena su sredstva u iznosu od 129.793,00 KM, za isplatu naknada za 860 nezaposlenih porodilja.

11. Smještaj u ustanove socijalne zaštite - KAD 213

U Budžetu za 2016. godinu za ovu namjenu planirana su sredstva u iznosu od 5.550.000 KM - ekonomski kod 614200. Iz ovih sredstava finansiraju se troškovi smještaja, odnosno razlika do punog iznosa cijene smještaja u ustanovama socijalne zaštite za djecu i odrasla lica kojima je potrebna stalna briga i pomoć u zadovoljavanju životnih potreba, a ne mogu ih ostvariti u vlastitoj porodici ili drugoj porodici, kao što su: djeca bez roditeljskog staranja, djeca sa poremećajima u ponašanju, lica sa narušenim mentalnim i duševnim zdravljem, druga lica sa posebnim potrebama i stara lica bez porodičnog staranja.

U izvještajnom periodu januar - decembar 2016. godine, utrošena su sredstva u iznosu od 5.586.446,83 KM za troškove smještaja 783 štićenika u ustanovama socijalne zaštite.

12. Stalna novčana pomoć - KAD 215

Budžetom za 2016. godinu su planirana sredstva u iznosu od 1.225.000 KM - ekonomski kod 614200. Iz ovih sredstava finansira se stalna novčana pomoć koju lica mogu ostvariti u skladu sa Kantonalnim zakonom. Za ovo pravo 60% sredstava se finansira iz Budžeta Kantona, a 40% iz Budžeta općina.

U izvještajnom periodu januar - decembar 2016. godine iz Budžeta Zeničko-dobojskog kantona za stalne novčane pomoći izdvojeno je 1.237.367,59 KM, za 1.336 korisnika ovog prava.

13. Osposobljavanje za život i rad - KAD 216

Budžetom za 2016. godinu planirana su sredstva u iznosu od 110.000 KM - ekonomski kod 614200. Finansiranjem ovog prava obezbjeđuje se rehabilitacija, obrazovanje i osposobljavanje za život slijepe i slabovidne djece, gluhe i gluhoonijeme djece i djece ometene u psihofizičkom razvoju.

U izvještajnom periodu januar - decembar 2016. godine, utrošena su sredstva u iznosu od 101.404,95 KM za 27 korisnika.

14. Dodatak na djecu - KAD 217

Za isplatu dječijeg dodatka u Budžetu Zeničko-dobojskog kantona planirana su sredstva u iznosu 4.100.000 KM - ekonomski kod 614200. Pravo na dječiji dodatak pripada porodici sa djecom koja se neposredno brine o djetetu ili djeci, u skladu i na način kako je to propisano u Kantonalnom zakonu.

U izvještajnom periodu januar - decembar 2016. godine za dječiji dodatak utrošena su sredstva u iznosu od 4.009.477,99 KM, za 11.352 korisnika, odnosno za 20.733 djece koja ostvaruju dječiji dodatak.

15. Jednokratna pomoć za opremu novorođenog djeteta – KAD 218

Budžetom su planirana sredstva u iznosu od 110.000 KM - ekonomski kod 614200. Ovim sredstvima finansira se jednokratna pomoć za opremu novorođenog djeteta za majke porodilje koje nisu u radnom odnosu.

U izvještajnom periodu januar - decembar 2016. godine, za ovu namjenu utrošena su sredstva u iznosu od 93.124,85 KM, za 860 korisnica ovog prava.

16. Pomoć u prehrani djeteta do 6 mjeseci i dodatna ishrana majkama dojiljama - KAD 219

Budžetom za 2016. godinu planirana su sredstva u iznosu od 390.000 KM - ekonomski kod 614200.

U izvještajnom periodu januar - decembar 2016. godine, za ovu namjenu utrošena su sredstva u iznosu od 362.740,00 KM, za 860 korisnica ovog prava.

17. Transfer JU Službi za zapošljavanje za podsticaj aktivnih mjera zapošljavanja - KAD 220

Budžetom za 2016. godinu planirana su sredstva u iznosu od 700.000 KM - ekonomski kod 614200. Ova sredstva su namijenjena za realizaciju Programa sufinansiranja aktivnih mjera za podsticaj zapošljavanja mladih nezaposlenih osoba bez radnog iskustva – 100 VSS pripravnika, sufinansiranje programa zapošljavanja i samozapošljavanja nezaposlenih osoba SSS/KV i VKV, sufinansiranje projekata prekvalifikacije i dokvalifikacije i stručnog osposobljavanja, kao i za poticaje samozapošljavanju.

U izvještajnom periodu januar - decembar 2016. godine, sa transfera Služba za zapošljavanje ZDK, utrošena su sredstva u iznosu od 91.050 KM, i to za Program sufinansiranja aktivnih mjera za podsticaj zapošljavanja mladih nezaposlenih osoba bez radnog iskustva – 100 VSS pripravnika u 2014/2015. godini. 75.600 KM i za Program sufinansiranja zapošljavanja VSS, SSS i KV mladih osoba bez radnog iskustva u 2016/2017. godini 15.450 KM.

18. Poticaj zapošljavanja mladih

Budžetom za 2016. godinu planirana su sredstva u iznosu od 100.000 KM - ekonomski kod 614200. Ova sredstva su namijenjena za subvencioniranje volonterskog rada u zdravstvenim ustanovama, te za finansiranje zapošljavanja i samozapošljavanja nezaposlenih mladih osoba bez radnog iskustva (VSS, VŠ, SSS i KV).

U izvještajnom periodu januar - decembar 2016. godine sa transfera „Poticaj zapošljavanja mladih“ nisu utrošena sredstva.

19. Tekući transfer udruženjima - KAX 002

Budžetom za 2016. godinu planirana su sredstva u iznosu od 91.600 KM - ekonomski kod 614300. Na osnovu člana 32. Zakona o izvršavanju Budžeta Zeničko-dobojskog kantona za 2016. godinu (“Službene novine Zeničko-dobojskog kantona”, broj: 02/16) utrošak sredstava na ovom transferu izvršen je nakon objavljivanja Javnog poziva. Utrošena su sredstva u iznosu od 91.600,00 KM za finansiranje 16 projekata.

Tekući transfer za Crveni križ

Budžetom za 2016. godinu na ovom podtransferu planirana su sredstva u iznosu od 10.000 KM, za provođenje programskih aktivnosti Crvenog križa Zeničko-dobojskog kantona.

U izvještajnom periodu, a na osnovu Zaključka Vlade Zeničko-dobojskog kantona broj: 02-14-19751/16 od 05.12.2016 godine, utrošena su sredstva u iznosu od 10.000 KM.

20. Tekući transfer iz prihoda za obilježavanje “Dječije nedjelje” – KAX 003

Budžetom za 2016. godinu planirana su sredstva u iznosu od 100.000 KM - ekonomski kod 614300.

U izvještajnom periodu januar - decembar 2016. godine, sa ovog transfera su utrošena sredstva u iznosu od 100.000,00 KM za finansiranje 33 projekta. Na osnovu člana 32. Zakona o izvršavanju Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 02/16) utrošak sredstava na ovom transferu izvršen je nakon objavljivanja Javnog poziva.

* * * * *

Izvršenje Budžeta Zeničko-dobojskog kantona za period januar - decembar 2016. godine, ukupno posmatrano za pozicije: „Tekući transferi pojedincima“ i „Tekući transfer neprofitnim organizacijama“ iznosilo je 25.445.155,72 KM, odnosno u procentu od 94,46% u odnosu na ukupno planirana sredstva Budžetom za 2016. godinu na navedenim pozicijama.

Navedena sredstva utrošena su za planirane namjene, a u skladu sa Programom utroška sredstava planiranih Budžetom Zeničko-dobojskog kantona za 2016. godinu u Ministarstvu za rad, socijalnu politiku i izbjeglice broj: 02-14-7046/16 od 29.03.2016. godine i broj: 02-14-13333/16 od 21.07.2016. godine.

Zenica, mart 2017. godine

MINISTAR

Nurdehan Šahinović